

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

АЖИЛЛАХ ХҮЧНИЙ ШИЛЖИЛТ ХӨДӨЛГӨӨНИЙ ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Ажиллах хүчний шилжилт хөдөлгөөний тухай хуульд доор дурьдсан агуулгатай дараах хэсгийг нэмсүгэй:

1/32 дугаар зүйлийн 32.10¹ дэх хэсэг:

“32.10¹. Гадаад ажилтны ажлын байрны төлбөрийн орлогыг Хөдөлмөр эрхлэлтийг дэмжих тухай хуулийн 24 дүгээр зүйлд заасан Хөдөлмөр эрхлэлтийг дэмжих санд төвлөрүүлнэ.”

2 дугаар зүйл. Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

АХМАД НАСТНЫ ТУХАЙ ХУУЛЬД ӨӨРЧЛӨЛТ ОРУУЛАХ ТУХАЙ

1 дүгээр зүйл.Ахмад настны тухай хуулийн 13.7 дахь хэсгийг доор дурьдсанаар өөрчлөн найруулсугай:

“13.7.Хөдөлмөр эрхлэлтийг дэмжих сангаас ахмад настанд зарцуулах хөрөнгө нь тус сангийн тухайн жилийн нийт хөрөнгийн 10 хувиас багагүй байна.”

2 дугаар зүйл.Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

ЖИЖИГ, ДУНД ҮЙЛДВЭР, ҮЙЛЧИЛГЭЭГ ДЭМЖИХ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Жижиг, дунд үйлдвэр, үйлчилгээг дэмжих тухай хуульд доор дурдсан агуулгатай хэсэг, заалт нэмсүгэй:

2/8 дугаар зүйлийн 8.1.11 дэх заалт:

“8.1.11.гарааны бизнес эрхлэгч, бичил үйлдвэрлэл, үйлчилгээ эрхлэгчийн бизнесийн үйл ажиллагааны өсөлт, хөгжлийн дараагийн шатны санхүүгийн болон зах зээлийн дэмжлэг үзүүлэх;”

3/11 дүгээр зүйлийн 11.11¹ дэх хэсэг:

“11.11¹.Сангаас дараах нөхцлийн аль нэгийг хангасан жижиг, дунд үйлдвэр, үйлчилгээ эрхлэгчид хөнгөлөлттэй зээлийг эхний ээлжинд олгоно:

11.11¹.1.жижиг, дунд үйлдвэрийн нийт ажиллагсдын 50-иас доошгүй хувьд нь хөгжлийн бэрхшээлтэй хүн ажилладаг;

11.11¹.2.Хөдөлмөр эрхлэлтийг дэмжих тухай хуульд заасан санхүүгийн дэмжлэг, жижиг зээл авч хуваарийн дагуу хугацаандаа төлсөн, аж ахуйн эрхлэлтийн үйл ажиллагааг өргөжүүлэх, ажлын байр бий болгох хүсэлт гаргасан;

2 дугаар зүйл. Жижиг, дунд үйлдвэр, үйлчилгээг дэмжих тухай хуулийн дараах хэсэг, заалтыг доор дурдсанаар өөрчлөн найруулсугай:

1/14 дүгээр зүйлийн 14.1.2 дахь заалт:

“14.1.2.гарааны бизнес эрхлэгч, бичил, жижиг, дунд үйлдвэр, үйлчилгээ эрхлэгчийг дэмжих хөтөлбөр, төсөл, арга хэмжээнд шаардагдах хөрөнгийн эх үүсвэрийг батлах;”

2/18 дугаар зүйлийн 18.1.1 дэх заалт:

“18.1.1.тухайн шатны жил бүрийн төсөвт гарааны бизнес, бичил, жижиг, дунд үйлдвэр, үйлчилгээ эрхлэгчийг дэмжих болон хөгжүүлэх экосистем бүрдүүлэх зориулалтаар хөрөнгө тусгаж батлах;”

3/18 дугаар зүйлийн 18.2 дахь хэсэг:

“18.2.Аймаг, нийслэл, сум, дүүргийн Засаг дарга гарааны бизнес, бичил, жижиг, дунд үйлдвэр, үйлчилгээ эрхлэгчийг дэмжих хууль тогтоомжийг хэрэгжүүлэх, дэмжлэг үзүүлэх, бизнесийг дэмжих экосистем бүрдүүлэх арга хэмжээг орон нутагт зохион байгуулах ажлыг хариуцан гүйцэтгэнэ.”

3 дугаар зүйл.Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

ЗАЛУУЧУУДЫН ХӨГЖЛИЙГ ДЭМЖИХ ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл.Залуучуудын хөгжлийг дэмжих тухай хуулийн 11 дүгээр зүйлд доор дурдсан агуулгатай 11.1.1¹, 11.1.1² дахь заалт нэмсүгэй:

“11.1.1¹.залуучуудыг дагалднаар ажиллах, дагалднаар суралцахад дэмжлэг үзүүлэх, хяналт, үнэлгээ хийх ажлыг хөдөлмөрийн, боловсролын болон залуучуудын асуудал эрхэлсэн төрийн захиргааны байгууллага, ажил олгогчийн төлөөллийн байгууллага хамтран хэрэгжүүлэх;

11.1.1².ажил хөдөлмөр эрхлээгүй, боловсрол, сургалтад хамрагдаагүй байгаа залуучуудад зориулсан арга хэмжээг хөдөлмөрийн, боловсролын болон залуучуудын асуудал эрхэлсэн төрийн захиргааны төв байгууллага, ажил олгогчийн төлөөллийн байгууллага хамтран хэрэгжүүлэх;”

2 дугаар зүйл.Залуучуудын хөгжлийг дэмжих тухай хуулийн 20 дугаар зүйлийн 20.2.6 дахь заалтыг доор дурдсанаар өөрчлөн найруулсугай:

“20.2.6.Хөдөлмөр эрхлэлтийг дэмжих тухай хуульд заасан зорилтот бүлэгт хамаарах залуучуудыг хөдөлмөр эрхлэлтийг дэмжих үйлчилгээ, арга хэмжээнд хамруулахад хөдөлмөрийн асуудал хариуцсан орон нутгийн байгууллага, хөдөлмөр эрхлэлтийн хувийн байгууллагатай хамтран ажиллах;”

3 дугаар зүйл.Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

ЗӨРЧЛИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл.Зөрчлийн тухай хуулийн 10.12 дугаар зүйлд доор дурдсан агуулгатай 4 дахь хэсэг нэмсүгэй:

“4.Хөдөлмөр эрхлэлтийг дэмжих сангийн хөрөнгийг зориулалт бусаар ашигласан нь эрүүгийн хариуцлага хүлээлгэхээргүй бол учруулсан хохирол нөхөн төлбөрийг гаргуулж хүнийг нэг мянган нэгжтэй тэнцэх хэмжээний төгрөгөөр, хуулийн этгээдийг таван мянган нэгжтэй тэнцэх хэмжээний төгрөгөөр торгоно.”

2 дугаар зүйл.Зөрчлийн тухай хуулийн 10.12 дугаар зүйлийн 1 дэх хэсгийг доор дурдсанаар өөрчлөн найруулсугай:

“1. Хөдөлмөр эрхлэлтийн хувийн байгууллага хөдөлмөр эрхлэлтийг дэмжих үйл ажиллагаанд хамрагдсан иргэнээс шууд болон шууд бус хэлбэрээр төлбөр авсан бол хүнийг нэг зуун тавин нэгжтэй тэнцэх хэмжээний төгрөгөөр хуулийн этгээдийг нэг мянга таван зуун нэгжтэй тэнцэх хэмжээний төгрөгөөр торгоно.

3 дугаар зүйл.Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

МОНГОЛ УЛСЫН ЗАСАГ ЗАХИРГАА, НУТАГ ДЭВСГЭРИЙН НЭГЖ, ТҮҮНИЙ УДИРДЛАГЫН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Монгол Улсын засаг захиргаа, нутаг дэвсгэрийн нэгж, түүний удирдлагын тухай хуульд доор дурдсан агуулгатай дараах заалт нэмсүгэй:

1/58 дугаар зүйлийн 58.1.5¹ дэх заалт:

“58.1.5¹.орон нутгийн хөдөлмөрийн зах зээлийн эрэлт, нийлүүлэлтийг судлах, ажилгүй иргэн, ажил хайгч, зорилтот бүлгийн иргэнийг хууль тогтоомжид заасны дагуу хөдөлмөр эрхлэлтийг дэмжих үйл ажиллагаанд хамруулах ажлыг зохион байгуулах;”

2/59 дүгээр зүйлийн 59.1.19¹ дэх заалт:

“59.1.19¹.орон нутгийн хөдөлмөрийн зах зээлийн эрэлт, нийлүүлэлтийн судалгаа хийх, салбар дундын бодлого, зохицуулалтаар хөдөлмөр эрхлэлтийг нэмэгдүүлэх, хөдөлмөр эрхлэлтийг дэмжих бодлого, үйл ажиллагааны хэрэгжилтийг дэмжих, хөдөлмөрийн харилцаа, нийгмийн түншлэлийг дэмжих;”

3/60 дугаар зүйлийн 60.1.10¹ дэх заалт:

“60.1.10¹.орон нутгийн хөдөлмөрийн зах зээлийн эрэлт, нийлүүлэлтийн судалгаа хийх, салбар дундын бодлого, зохицуулалтаар хөдөлмөр эрхлэлтийг нэмэгдүүлэх, хөдөлмөр эрхлэлтийг дэмжих бодлого, үйл ажиллагааны хэрэгжилтийг дэмжих, хөдөлмөрийн харилцаа, нийгмийн түншлэлийг дэмжих;”

4/61 дүгээр зүйлийн 61.1.9¹ дэх заалт:

“61.1.9¹.орон нутгийн хөдөлмөрийн зах зээлийн эрэлт, нийлүүлэлтийг судлах, ажилгүй иргэн, ажил хайгч, зорилтот бүлгийн иргэнийг хууль тогтоомжид заасны дагуу хөдөлмөр эрхлэлтийг дэмжих үйл ажиллагаанд хамруулах ажлыг зохион байгуулах;”

5/62 дугаар зүйлийн 62.1.10¹ дэх заалт:

“62.1.10¹. орон нутгийн хөдөлмөрийн зах зээлийн эрэлт, нийлүүлэлтийн судалгаа хийх, салбар дундын бодлого, зохицуулалтаар хөдөлмөр эрхлэлтийг нэмэгдүүлэх, хөдөлмөр эрхлэлтийг дэмжих бодлого, үйл ажиллагааны хэрэгжилтийг дэмжих, хөдөлмөрийн харилцаа, нийгмийн түншлэлийг дэмжих;”

6/63 дугаар зүйлийн 63.1.10¹ дэх заалт:

“63.1.10¹.ажилгүйдлийг бууруулах, хүн амын хөдөлмөр эрхлэлтийг нэмэгдүүлэх чиглэлээр нийслэл, дүүргийн хөдөлмөрийн асуудал хариуцсан төрийн захиргааны байгууллага болон Тамгын газрын холбогдох хэлтэс, албаны үйл ажиллагааг уялдуулан зохицуулах, хөдөлмөр эрхлэлтийг дэмжих үйл ажиллагааны хэрэгжилтийг дэмжих, хөдөлмөрийн харилцаа, нийгмийн түншлэлийг хөгжүүлэх;”

2 дугаар зүйл.Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 27 дугаар зүйлийн 27.5.7 дахь заалтыг доор дурдсанаар өөрчлөн найруулсугай:

“27.5.7.хууль тогтоомжид заасны дагуу хөдөлмөр эрхлэлтийг дэмжих үйл ажиллагааг зохион байгуулах, хөдөлмөрийн харилцаа, нийгмийн түншлэлийг хөгжүүлэх;”

3 дугаар зүйл.Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

**МОНГОЛ УЛСЫН НИЙСЛЭЛ УЛААНБААТАР ХОТЫН ЭРХ ЗҮЙН БАЙДЛЫН
ТУХАЙ ХУУЛЬД НЭМЭЛТ ОРУУЛАХ ТУХАЙ**

1 дүгээр зүйл. Монгол Улсын нийслэл Улаанбаатар хотын эрх зүйн байдлын тухай хуулийн 8 дугаар зүйлд доор дурдсан агуулгатай 8.3.1¹ дэх заалт нэмсүгэй:

“8.3.1¹. Нийслэлийн хөдөлмөр эрхлэлтийн бодлого, хөдөлмөрийн зах зээл дэх эрэлт, нийлүүлэлтийн тэнцвэрийг хангах зохицуулалт;”

2 дугаар зүйл. Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

НИЙГМИЙН ДААТГАЛЫН САНГААС ОЛГОХ ТЭТГЭМЖИЙН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Нийгмийн даатгалын сангаас олгох тэтгэмжийн тухай хуульд доор дурьдсан агуулгатай зүйл, хэсэг, заалт нэмсүгэй:

1/14 дүгээр зүйл. 14 дүгээр зүйл:

“14 дүгээр зүйл.Мэргэжлийн сургалтын зардал олгох.”

2/14 дүгээр зүйлийн 14.1 дэх хэсэг:

“14.1.Даатгуулагч ажилгүйдлийн тэтгэмж авч байх хугацаанд мэргэжлийн сургалтанд хамрагдсан тохиолдолд ажилгүйдлийн даатгалын сангаас сургалтын зардлыг санхүүжүүлнэ.”

3/2 дугаар зүйлийн 2.2.3 дахь заалт:

“2.2.3.мэргэжлийн сургалтын зардал олгох.”

2 дугаар зүйл.Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

НИЙГМИЙН ХАЛАМЖИЙН ТУХАЙ ХУУЛЬД НЭМЭЛТ ОРУУЛАХ ТУХАЙ

1 дүгээр зүйл. Нийгмийн халамжийн тухай хуульд доор дурдсан агуулгатай 22¹ дүгээр зүйл нэмсүгэй:

“22¹ дүгээр зүйл. Хөдөлмөр эрхлэлтийг дэмжих үйл ажиллагаа

22^{1.1}. Хөдөлмөр эрхлэлтийг дэмжих үйл ажиллагааны зорилго нь нийгмийн халамжийн тэтгэвэр, тэтгэмж авч байгаа, үйлчилгээнд хамрагдаж байгаа хөдөлмөрийн насны, хөдөлмөрийн чадвартай боловч ажилгүй, ажил хийх боломжтой иргэнийг хөдөлмөрт бэлтгэх, хөдөлмөр эрхлэх болон аж ахуй эрхлэхэд туслан дэмжих, амьдралын чанарыг сайжруулахад оршино.

22^{1.2}. Нийгмийн халамжийн тэтгэвэр, тэтгэмж авч байгаа, үйлчилгээнд хамрагдаж байгаа ажилгүй иргэний кейс менежментэд суурилсан хөдөлмөр эрхлэлтийг дэмжих үйл ажиллагаа нь боловсрол, эрүүл мэнд зэрэг бусад салбарын бодлого, үйл ажиллагааны уялдаа холбоог хангасан, цогц дэмжлэг байна.

2 дугаар зүйл. Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

СТАТИСТИКИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл. Статистикийн тухай хуулийн 12.1.4 дэх заалтыг доор дурьдсанаар өөрчлөн найруулсугай:

“12.1.4. захиргааны статистикийн мэдээллийг албан ёсны статистикийн мэдээлэлтэй давхардуулахгүй байх, арга зүйн нэгдмэл байдлыг хангах зорилгоор хянах, захиргааны статистикийн мэдээллийн үзүүлэлт, аргачлал, зааврыг батлах, зөвшөөрөх, санал өгөх, мэдээллийн хамралт, үнэн зөв байдалд үнэлэлт өгөх.”

2 дугаар зүйл. Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

**ХӨГЖЛИЙН БОДЛОГО, ТӨЛӨВЛӨЛТ, ТҮҮНИЙ УДИРДЛАГЫН ТУХАЙ ХУУЛЬД
НЭМЭЛТ ОРУУЛАХ ТУХАЙ**

1 дүгээр зүйл.Хөгжлийн бодлого, төлөвлөлт, түүний удирдлагын тухай хуульд доор дурдсан агуулгатай дараахь заалт нэмсүгэй:

1/5 дугаар зүйлийн 5.1.18 дахь заалт:

“5.1.18.хөгжлийн бодлогын үндэс нь хөдөлмөр эрхлэлт байх.”

2 дугаар зүйл.Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

ХӨДӨЛМӨРИЙН АЮУЛГҮЙ БАЙДАЛ, ЭРҮҮЛ АХУЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл.Хөдөлмөрийн аюулгүй байдал, эрүүл ахуйн тухай хуулийн 28 дугаар зүйлд доор дурдсан агуулгатай 28.1.17 дахь заалт нэмсүгэй:

“28.1.17.Шинээр ажилд орсон ажилтан, дагалднаар суралцагч, дагалднаар ажиллагчийг аюул, эрсдэлгүй ажиллах, дадалтай болгох сургалтын хөтөлбөр хэрэгжүүлэх, үр дүнг тооцох;”

2 дугаар зүйл.Хөдөлмөрийн аюулгүй байдал, эрүүл ахуйн тухай хуулийн 17 дугаар зүйлийн 17.2.1 дэх заалтыг доор дурдсанаар өөрчлөн найруулсугай:

“17.2.1.Шинээр ажилд орсон ажилтан, дагалднаар суралцагч, дагалднаар ажиллагчийн сургалт;”

3 дугаар зүйл.Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

ХӨДӨЛМӨРИЙН ТУХАЙ ХУУЛЬД НЭМЭЛТ, ӨӨРЧЛӨЛТ ОРУУЛАХ ТУХАЙ

1 дүгээр зүйл.Хөдөлмөрийн тухай хуульд доор дурдсан агуулгатай дараах хэсэг нэмсүгэй:

1/2 дугаар зүйлийн 2.4¹ дэх хэсэг:

“2.4¹.Жижиг, дунд үйлдвэрлэл, үйлчилгээг дэмжих тухай хуулийн 5.1.1-д заасан бичил үйлдвэр, үйлчилгээ эрхлэгч нь энэ хуулийн 4.1.10-т заасан хөдөлмөрийн дотоод хэм хэмжээг батлаагүй тохиолдолд хөдөлмөрийн харилцааны холбогдох асуудлыг ажилтантай байгуулах хөдөлмөрийн гэрээнд бүрэн тусгах үүрэг хүлээнэ.”

3/145 дугаар зүйлийн 145.5¹ дэх хэсэг:

“145.5¹.Аж ахуйн нэгж, байгууллага энэ хуулийн 145.4-т зааснаар ахмад настныг ажиллуулаагүй бол ажиллуулбал зохих орон тоо тутамд ногдох төлбөрийн хэмжээ нь хөдөлмөрийн хөлсний доод хэмжээтэй тэнцүү байх бөгөөд уг төлбөрийг сар бүр Хөдөлмөр эрхлэлтийг дэмжих санд төлнө.”

2 дугаар зүйл.Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ

МОНГОЛ УЛСЫН ХУУЛЬ

2026 оны ... дугаар
сарын ... -ны өдөр

Улаанбаатар
хот

**ХӨДӨЛМӨР ЭРХЛЭЛТИЙГ ДЭМЖИХ ТУХАЙ ХУУЛЬ
ХҮЧИНГҮЙ БОЛСОНД ТООЦОХ ТУХАЙ**

1 дүгээр зүйл.2011 оны 6 дугаар сарын 17-ны өдөр баталсан Хөдөлмөр эрхлэлтийг дэмжих тухай хуулийг хүчингүй болсонд тооцсугай.

2 дугаар зүйл.Энэ хуулийг Хөдөлмөр эрхлэлтийг дэмжих тухай хууль /Шинэчилсэн найруулга/ хүчин төгөлдөр болсон өдрөөс эхлэн дагаж мөрдөнө.

ГАРЫН ҮСЭГ